

Bahlanka ba Bolaodi ba Meedi ba etsa kgapo e kgolo ya manaka a tshukudu a boima ba 160kg

Tshwane, 17 Phupu 2021 – Bahlanka ba Bolaodi ba Meedi ba Ditshebeletso tsa Lekgetho tsa Afrika Borwa (SARS) di kgaolelitse manaka a tshukudu a 32, a boima ba 160kg, mane polokelong ya tse fetang mane Boemafofaneng ba Matjhaba ba OR Tambo pejana kajeno.

Bahlanka ba Bolaodi ba Meedi ba ne ba etsa hlahlobo ya bona ya tlwaelo mmoho le Yuniti ya Dintja tse Fofonelang mane boemafofaneng ha e nngwe ya dintja e ile ya hlwaya moqeqeko o neng o belaela o neng o leba mane Malaysia (Kuala Lumpur).

Moqeqeko ona o ne o tsebahaditswe e le "Dimela tse Phelang" mme o ne o kentse dikotwana tse 8. Nakong eo ho neng ho phenyokollwa, ho fumanwe mabokose a 6 a neng a kentse masela a setso mmoho le dikotwana tse 32 tsa manaka a tshukudu a kentswe ka hara sephuthelwana sa tshireletso, tsa boima ba 160kg.

Bolaodi ba Diphuputso tsa Ditlolo tsa Molao tse itlhomngeng pele (HAWKS) ba Ditshebeletso tsa Sepolesa sa Afrika Borwa bo ile ba tsebiswa ka sena. Ho ile ha bulwa nyewe ya bonokwane mme ya ngodiswa le SAPS hore ho etswe diphuputso tse ding.

Tse ding tsa dikgapo tsa manaka a ditshukudu tse etsahetseng mane ORTIA di akaretsa:

- Ka Hlakola 2021: dikotwana tse (18) tsa manaka a tshukudu, a boima ba 63kg a neng a tsebahaditswe e le '*HP Cartridges Developers*', a neng a lebile mane Malaysia.
- Ka Tshitwe 2020: dikotwana tse (17) tsa manaka a tshukudu, a boima ba 72.4kg a neng a patilwe ka hara kisara e neng e leba mane Malaysia.
- Ka Loetse 2020: dikotwana tse (6) tsa boima ba 4.9kg tse neng di tsebahaditswe e le "Dinawa tsa Kofi" tse neng di leba mane Malaysia.

- Ka Phupu 2020: dikotwana tse (41) tsa boima ba 137kg tse neng di tsebahaditswe e le "Botaki" tse neng di leba mane Malaysia.



Ho fumana lesedi le fetang lena, ikopanye le SarsMedia@sars.gov.za